

জনসংযোগ অফিস
জাহাঙ্গীরনগর বিশ্ববিদ্যালয়
সাভার, ঢাকা, বাংলাদেশ
ফোন: ৭৭৯১০৪৫-৫১



Public Relations Office
Jahangirnagar University
Savar Dhaka Bangladesh
Phone: +88027791045-51

প্রেস বিজ্ঞপ্তি

জাতীয় অধ্যাপক মুস্তাফা নূরউল ইসলামের দ্বিতীয় নামাজে জানাজা জাহাঙ্গীরনগর বিশ্ববিদ্যালয়ে অনুষ্ঠিত ॥

মাননীয় প্রধানমন্ত্রীর ইচ্ছে অনুযায়ী মিরপুরস্থ শহীদ বুদ্ধিজীবী কবরস্থানে দাফন

জাহাঙ্গীরনগর বিশ্ববিদ্যালয়, ১১ মে ২০১৮।

আজ শুক্রবার, বাদ আছর জাতীয় অধ্যাপক মুস্তাফা নূরউল ইসলামের দ্বিতীয় নামাজে জানাজা জাহাঙ্গীরনগর বিশ্ববিদ্যালয়ের উপাচার্য বাসবভন সংলগ্ন মাঠে অনুষ্ঠিত হয়েছে। জানাজায় বিশ্ববিদ্যালয়ের শিক্ষক, কর্মকর্তা, কর্মচারি, শিক্ষার্থী এবং সর্বস্তরের জনসাধারণ অংশগ্রহণ করেন।

নামাজে জানাজার আগে জাহাঙ্গীরনগর বিশ্ববিদ্যালয়ের উপাচার্য অধ্যাপক ড. ফারজানা ইসলাম প্রয়াত অধ্যাপকের প্রতি শ্রদ্ধাঞ্জলি নিবেদন করেন। এ সময় উপাচার্য তাঁর পরিবারের সদস্যদের প্রতি গভীর সমবেদনা জ্ঞাপন করেন। উপাচার্যের শ্রদ্ধাঞ্জলি নিবেদনের পর প্রয়াত অধ্যাপকের প্রতি বিশ্ববিদ্যালয়ের শিক্ষক সমিতি, শিক্ষক, অফিসার, কর্মচারি এবং তাঁর অগণিত গুণগ্রাহী শ্রদ্ধাঞ্জলি নিবেদন করেন।

অধ্যাপক মুস্তাফা নূরউল ইসলামের মরদেহ গণপ্রজাতন্ত্রী বাংলাদেশ সরকারের মাননীয় প্রধানমন্ত্রীর ইচ্ছে অনুযায়ী মিরপুরস্থ শহীদ বুদ্ধিজীবী কবরস্থানে সমাহিত করার সিদ্ধান্ত হয়েছে।

উল্লেখ্য যে, অধ্যাপক মুস্তাফা নূরউল ইসলামের পরিবারের পক্ষ থেকে তাঁকে জাহাঙ্গীরনগর বিশ্ববিদ্যালয়ে সমাহিত করার আগ্রহ ব্যক্ত করে বিশ্ববিদ্যালয় কর্তৃপক্ষকে চিঠি দেয়া হয়। বিশ্ববিদ্যালয় কর্তৃপক্ষ এ বিষয়ে উদ্যোগ গ্রহণ করেন। তবে ইতোমধ্যে তাঁর পরিবারের পক্ষ থেকে জানানো হয় যে, গণপ্রজাতন্ত্রী বাংলাদেশ সরকারের মাননীয় প্রধানমন্ত্রী প্রয়াত অধ্যাপকের মরদেহ মিরপুরস্থ শহীদ বুদ্ধিজীবী কবরস্থানে সমাহিত করার সিদ্ধান্ত দিয়েছেন।

পরিচালক

জনসংযোগ অফিস